

北洋官報

目錄

宮門抄

交旨

奏議○度支部奏報捐翎枝銀數片△又奏捐助學款請
 獎畫一辦法片△川督趙奏第二屆籌備憲政情形摺
 公牘○督憲札一件△商會照會一件△勸學總董稟一
 件△無極縣貢生李鳳開稟一件
 文告四則△電報六則△新聞九則
 彙編○彙摘江蘇諮議局請案

本局第一百十七期法政學報已出

宮門抄

十月初七日 民政部 都察院 正黃旗值日 閣公由 西陵回京請 安 毓秀因孫得 賞

廕生謝 恩 隆斌因子得 賞廕生謝 恩 慶公假滿請 安 欽天監呈進月蝕圖 召

見軍機 都察院遞封奏一件

交旨

十月初七日 軍機大臣欽奉

諭旨肅親王善耆現在有差 孝欽顯皇后升祔 太廟恭請 穆宗毅皇帝神牌之差著改派禮

親王世鐸欽此

諭旨都察院代奏翰林院侍講李經畬等呈稱已故五品卿銜山西即用知縣汪宗沂經學卓越請宣付史館立傳
 並將經學書四種進呈一摺著將所著書交南書房閱看後再行請旨欽此

奏議錄要

度支部奏酌擬報捐翎枝銀數片

再查翎枝一項非軍功勞績不與所以示優異之意故定例捐款較重並有京官外官之別咸豐年間曾經核減一次嗣後捐例大開始定爲層遞辦法由一品實職報捐花翎應銀四千兩二品應銀三千兩三品應銀二千兩又三品以上虛銜人員應銀一千八百兩四品以下實職虛銜人員應銀九百兩藍翎減半此例相沿至今亦惟四品以下次捐員較多現在各外省收捐私減至一百三十餘兩爲數未免太少臣等酌中核定擬將三品以上報捐花翎者照原章酌收一半四品以下酌收銀四百兩報冊逾限到部者補交銀三百兩藍翎半之與此次核減常捐之數相埒俾昭平允理合附片陳明伏乞 聖鑒謹 奏宣統元年九月二十八日奉 旨依議欽此

又奏酌擬各省捐助學款請獎畫一辦法片

再各省學堂捐助經費銀兩及報効房產器物等項向准核給獎叙按照銜封貢監銀數以五成實銀計算聞近年各省亦有私自減折並估價浮冒之弊其報効鉅款者僅交七成卽爲奏請獎給實官尤非慎重名器之道現在賑捐既改新章自應畫一辦理擬請嗣後如有捐助學堂經費銀兩者飭赴就近省分大清銀行上兌以期核實該款仍撥歸各該學堂應用其報効房產器物等項責成該提學使督同地方官切實估價如有浮冒查出從嚴叅處至應給獎叙卽按此次新定賑捐成數核准俾昭公允而免歧異理合附片陳明伏乞 聖鑒謹 奏宣統元年九月二十八日奉 旨依議欽此

四川總督趙爾巽奏第二屆籌備憲政情形摺

奏爲遵 旨臚陳第二屆籌備憲政情形恭摺仰祈 聖鑒事竊奴才恭讀光緒三十四年八月初一日

上諭欽奉

懿旨憲政編查館資政院會奏遵擬憲法大綱及議院選舉各法並逐年籌備事宜一摺著將

單開應行籌備事宜責成內外臣工依限舉辦每屆六個月將籌辦成績臚列奏聞等因欽此十二月二十七日
上諭明年以後應行籌辦各事著內外各衙門按限妥籌次第舉辦等因欽此仰見 朝廷迪光 前烈

銳意圖強莫名欽悚嗣准憲政編查館奏定憲政考核處章程京外籌辦憲政每年六月底暨十二月底各爲一屆
限每年二月內及八月內各具奏咨報一次等因所有川省去年第一屆籌設諮議籌辦處情形已於本年二月內
專摺奏陳奉 旨欽遵在案今屆八月奏報之期合將本年籌備事宜詳陳 聖明鑒核查籌備憲政事宜單

開本年督撫所應籌辦者共八項一曰舉行諮議局選舉川省自上年奏設諮議局籌辦處即經分割辦事權限明
定功過章程通飭各屬設立選舉事務所分區調查選格復一面選派法政自治畢業學紳充任司選員分路講演
襄同各初複選監督辦理一切及本年二月底各屬已將選舉人名冊造齊送省當由奴才按照全省選舉人數以
全省應得之議員人數分配於各複選區復就各複選區之選舉人數以該區應得之初選當選人數分配於各初
選區統限於五月初一日舉行初選六月十五日舉行複選其旗籍專額議員以川省駐防舊日取進學額本在二
十名以內特會商將軍臣馬亮定爲專額議員二名應行初複選舉併入成都選舉區一同辦理分布既定幸各
屬官紳等能重視憲政依限程功各具有選舉權之人亦皆恪循秩序踴躍投舉共選出議員一百零五名專額議
員二名均於七月內經奴才宣示召集先後到省藉資預備其諮議局之建築亦於八月內落成刻正督同僚屬草
具議案以便開局提議此籌辦已畢者一也一曰籌辦城鎮鄉地方自治設立自治研究所查自治爲立憲要圖奴
才於上年已飭四川全省地方自治局將應辦各事預爲規畫本年奉到城鎮鄉地方自治章程當飭各屬畫分區
域清釐地方公款公產并於調查戶口時一併清查選民資格以爲之備隨遵照民政部奏定逐年籌備清單將全
省城鎮區爲繁盛中等偏僻三種其繁盛城鎮即飭該管之廳州縣於本年十月籌定經費設立自治公所籌辦議
事會董事會選舉各事宜再以次推及於中等偏僻各城鎮一俟城鎮自治成立即令續辦各鄉自治分年興舉期
不誤第六年一律成立之期至養成自治人材以設所研究爲第一要義川省於自治制度講求頗早本年復就原
設之通省自治研究所增大規模添設名額招選舉紳五百餘人分班肄習期以年底畢業各廳州縣地方亦令遵
章各設一所以具有選民資格之士紳入之現據報告成立者共七十餘屬餘正促令趕辦年內可望設齊似此兼

收並蓄將來各地辦理公益或不致以乏材爲慮惟全省地方自治局本爲籌辦自治之機關與直隸處理自治者有別前准憲政編查館咨行原奏本令以諮議局籌辦處續辦籌備自治事宜即奏定自治研究所章程亦有自治籌辦處之名稱應遵照辦理以符名實現已將該局改稱全省地方自治籌辦處委藩司及巡警道爲總會辦而以官紳二坐辦協理之其下科長科員等職均遴選通材分任權責藉收提挈綱維之效此已經籌辦者二也一曰調查各省人戶總數本年准民政部咨到調查戶口章程表式各件當即照章派巡警道爲總監督並通飭各屬一體遵辦惟查部章戶數口數係分兩項調查誠以事端繁重同時並舉恐有未能第戶數口數本相連屬而消弭匪徒與清查丁口尤有密切之關係且川省近年迭奉部文試辦清查戶口事宜業已略具端緒因利乘便可一氣辦理因飭各屬於調查戶數時卽一併調查口數以期迅捷衡以部章其人戶總數業已查明地方應將查口事宜提前辦理之條亦屬相合現據各屬稟報均已劃分區段選派員長依限調查並擬有白話告示曉諭鄉民免生疑阻目前尙未屆彙報之期應由奴才督同巡警道嚴行督催不使延誤此已經籌辦者三也一曰調查各省歲出入歲出入總數之調查爲編製各省預算之初基卽爲辦理全國預算之準備其關係至爲重要川省自本年春間奉到度支部奏定清理財政章程卽經設立清理財政局擬定辦事細則預製各種表式通行各屬先事清釐嗣准部頒調查條款復趕緊刊印多分逐細詮釋飭令遵式查報並爲嚴定功過明示勸懲俾承辦者知所欽懼惟各署局款目糾紛鈎稽非易現值認真清查又不容任意捏報反貽有名無實之譏重以地廣道艱各廳州縣距省寫遠地方文報往返動需經旬累月其造報合格者固已難望尅期若款項稍涉紛歧一經駁查尤不免稽延貽誤且本年春季報告冊雖經部臣奏准展限彙咨而夏季報告冊不能援以爲例是第一次卽須造送兩季之報告方與部章相符頭緒既繁限期尤促自非指示方針嚴重督責無以收兼程並進之效奴才現已疊飭該局嚴札督催一俟清理財政監理官到川卽當商籌辦法切實考核以速成功而重會計此已經籌辦者四也一曰籌辦省城及商埠各級審判廳查法權獨立爲立憲國精神所在吾國行政司法混合已久今當預備立憲之時亟宜切實劃分以固憲政之根本川省於本年四月卽設立審判廳籌辦處規畫一切擬定在省城設一高等審判廳成都華陽兩首縣及重慶商埠所在之巴縣各設一地方審判廳以上三縣均各暫設一初級審判廳徐圖推廣其他檢察廳之配置看

守所之附設及內部一應組織悉遵照法部奏定審判廳試辦章程辦理而各廳建築之地址及應需經費亦經分別擇定撙節撥濟復以各廳州縣地方審判亟須設立並飭令預擇公地酌籌款項藉利推行至需用人員除擴充法政學堂養成完全人材外已飭由該處設立審判員講習所及檢驗吏學習所多爲儲備以應急需此已經籌辦者五也一曰創設廳州縣簡易識字學塾憲政以教育爲本根而教育之道尤以人盡識字爲先務奴才前已飭提學使通飭各屬調查所屬鄉場之人口財力及兒童學齡等項按地方之繁簡人民之貧富以爲設立簡易識字學塾多少之標準所需經費亦飭妥爲指定並刊發改良私塾章程養成此項學塾教員先就通都大邑設立模範學塾以資取法一俟學部所定之通章課本頒發到川卽行開辦此方事籌辦者六也一曰各廳州縣巡警限年內粗具規模警務與警學相表裏斷未有訓練無方而可以推行盡利者川省自開辦警察卽以研求警學爲要圖今春復遵照部章於省城設立高等巡警學堂選錄紳班法政學堂二年畢業之生補習警務專科預儲各屬警官之選又以省區巡警需用弁目至二千餘人之多不可無儲材之地以備撥補特就原設之警務學堂改辦一通省巡警教練所招生訓練並使舊有巡警分班入所補習藉資深造其各廳州縣巡警教練惟成華兩首縣卽就通省教練所招生附學餘皆令遵設一所由各團保保送學生籌給公費擇熟諳警務之員訓導之現計稟報成立者已一百三十餘處將來開辦鄉鎮巡警卽可取材於此至本年籌辦巡警查照民政部續奏清單本以各省省城外府首縣城治地方爲限而川省自前督臣岑春煊開辦警務以來迭經整飭規章增益設備省區巡警已頗有可觀嗣復選派警務卒業員紳分赴各屬次第興辦俾資保衛及奴才去歲抵任特奏設巡警道以綜其成全省警務益得有所督率力圖成績現截至第二屆止除各府首縣城廂巡警不計外其各廳州縣提前辦理者亦不下一百三十餘處餘亦正事部署勒限觀成未敢稍涉因循致遲進步惟川省河道縱橫支流錯雜素爲盜匪出沒之區亦非增設水警無以安行旅而占利涉現已委派試用道王棧籌辦川江水道警察卽就舊有之靖川川東水師兩營酌量改設仍一面增製砲船添練警卒以爲逐漸擴充之計刻正竭力圖維容俟議有成效再行詳細入奏此已經籌辦者七也以上各項除諮議局選舉現已辦竣資政院選舉俟章程頒發再行照辦外其餘各項皆已粗具規模不致貽誤仍當廣續經營悉心籌畫斷不敢因本年應辦之事已得過半稍形懈弛惟繼出之新政無窮地方之物力有限以

公私交窘之秋值遣大投艱之會奴才惟有屏絕虛浮力求實際務期憲政咸具精神民力不憂匱乏以仰副朝廷軫念民依力求上理之至意除分咨查照外所有川省第二屆籌辦憲政情形理合恭摺具陳伏乞皇上聖鑒訓示謹 奏宣統元年十月初一日奉 硃批該衙門知道欽此

公牘錄要

督憲端據審判廳申覆車站司事售票作弊發所習藝事咨請郵傳部查照文

爲咨明事據天津地方審判廳呈稱宣統元年九月初八日蒙憲台札開爲札飭事宜宣統元年八月二十七日准郵傳部咨開案查陸道緒聲前在京奉鐵路總稽查差次稟稱訪聞京通一帶車守票房互相勾串常有假票回頭票等弊當即派員密查七月十八日在通州寶通寺站購買早八鐘四十五分由通開京第十一次車票三張內有第十三次票一張查第十三次票係晚五點二十七分所開之車顯係票房作弊復向該票房購票六張均係第十三次圖記行車後復查出第十三次票二十一張連同所買之票共二十八張其餘尙多字迹不清圖記模糊等情即日稟報到部當經電飭該局查明寶通寺票房司事及隨第十一次車守爲何人以便分別嚴辦去後茲據接辦京奉洋務總辦盧守祖華總辦陸道緒聲稟稱案查此事業經前總辦楊道于道飭車務處查得寶通寺票房司事係張錦文隨第十一次車之車守係嚴寶祺由鐵路巡警京站分局長劉金柏查傳押解到局派員提訊詞多閃爍楊道于道未及核辦交卸局差職道知府復經派員提訊據張錦文供稱天津人並無功名是日早車賣票伊因生女患病回家看視囑伊胞弟代賣誤用第十三次圖記蓋印多張事後查知始知其誤嚴寶祺供稱福建人是日由寶通寺早八點四十五分開車經稽查員查出第十三次圖記票伊復檢收各票尙有第十三次票十九張交洋稽查送同等供詞狡展查該司票張錦文慣於作弊以早車發晚票串通車守回頭再賣侵蝕已嚴寶祺顯係與票房勾串事經稽查發覺始將檢出第十三次票十九張送交稽查處以圖欺飾擬請將張錦文撤革並乞咨明直隸總督由職局送交天津審判廳罰充苦力半年嚴寶祺一併革退永遠不准在各路局更名充事等情前來查京奉司票張錦文作弊有據若不嚴予懲辦不足以資整頓而儆將來茲據該局所擬辦法尙係正辦除批飭該局將嚴寶祺一名立予斥革外應即按照將張錦文一名送交天津審判廳移交習藝所罰充苦力半年以示儆戒相應

咨行貴督查照轉飭天津審判廳遵照辦理可也等因到本大臣准此合行札飭札到該廳即便遵照辦理具覆此札等因蒙此查此案該犯張錦文業准京奉鐵路局移送到廳當即派員提案驗明於本年九月初九日轉送習藝所依限責令習藝在案茲蒙前因所有該犯張錦文業已送所習藝緣由擬合具文申覆查核等情到本大臣據此相應咨明 貴部請煩查照

天津商會爲義國都朗省工藝賽會事照會各分會遵照文

爲照會事宣統元年九月二十五日奉 農工商部札開爲札飭事准 外務部咨開案查義國得黎訥及羅馬等處賽會一事業經以貴部辦法轉覆義使去後茲准函稱現接本國外部表文附送得黎訥及羅馬所有宣統三年之賽會英文章程秩序單等前來今將得黎訥英文章程五册秩序單五本地式圖五張羅馬賽會英文五册送請分交等因相應將原件咨行查核辦理等因前來查得黎訥即都朗茲將該處賽會章程繙譯刷印札發該商務總會即便轉行分會傳知各商遵照可也此札等因奉此除分別照會並登報宣佈外相應刷印章程備文照會貴分會煩爲通知各商遵照施行須至照會者

天津勸學總董華澤沅稟學台小學編訂國歌鈔錄呈閱請立案文並批

爲稟請事竊維童年進德禮陶與樂淑交資多士潛修學道與弦歌並重查 學部奏定學堂課程有音樂一科而樂譜歌詞迄未頒發定本教授無所秉承天津自光緒二十八九年間創辦學堂經營締造百度維新同志合力精研相與力求美備約集精於音律之士編訂國歌按諸宮商譜爲節奏俾莘莘學子鼓吹休明既可生忠君愛國之忱亦可助挖雅揚風之興凡茲規畫之苦心胥爲四方所觀聽故此項國歌倡始於天津官立學堂推之城廂村鎮民立學堂以及全省各項學堂所用國歌罔不共廣同調故遠近來參觀者口講手抄日不暇給而外賓聲入心通尤深爲嘉許其成績之特色如此當發起之初係因各堂學生向皆沿用軍樂隊樂歌似尙非學生陶養性情之具於是改弦更張變易歌詞於光緒三十二年間編定音樂專科至今遂共相肄習該教員等殫心科學獨抒新裁實於教育精神諸多裨益第摘辭選韻雖可冀國粹之保存而摘句尋章終未奉明文之宣布理合將此項編訂國歌鈔錄全份恭呈鈞閱如蒙鑒定擬請俯賜轉詳 學部立案通行以重教科而垂久遠爲此伏乞鑒核施行

學台傳 批稟譜均悉國歌詞純調壯能振起學生愛國之心應准詳咨立案仰再補報一份以備司中存查之用
繳譜轉呈

無極縣知府職銜貢生李鳳閣稟請法部鑒定毆蠱然犀錄文並批

爲稟請申明蠱律以重民生事竊維幹蠱之文著於易象毆蠱之法載於周官後世治經疏略浸失其傳蠱之爲害遂蔓延於天下而莫可究詰歷代教匪卽挾此妖術以蠱惑人心而亂天下自隋朝著於律令方書列爲一門而後人不察束書不觀久矣數十年來職因公謁見官長幕賓談及此事尙謂造蠱殺人刑律雖有明文縉聞每多隔閡故凡自盡之案多由中蠱纏訟不休因而傾家敗產被竊之案或爲蠱盜呈報無據因而忍氣吞聲且中蠱者昏迷每多逆倫之案畜蠱者狂悖潛滋叛國之謀然則蠱之爲害信不誣矣昔者畜放毒蠱以越南呂宋兩廣爲最著廣東通志載有告示一通而治蠱之法實未詳備今則越南呂宋已屬外洋洋人最重律師不聞有畜蠱殺人之罰也洋人號精醫術不聞有毆蠱救人之方也或洋人侈談公理而獨於此故秘其術耶抑或洋人無所不通而獨於此猶蔽於不知耶外洋於此症每以精神病了之擬議罔圖令人莫解獨其秘密之催眠術與此相類是一是二未可知也嘗閱邸報破獲此等案件未有所聞惟光緒三十三年北洋官報載江蘇陳大中丞 奏請販賣嗎啡治罪專條一摺引有造畜蠱毒堪以殺人及教令人造畜者律應擬斬之證部覆亦有造畜蠱毒律不論殺人與否應皆擬斬之文方今 聖明在上變法維新籌及衛生纖悉必備亟宜申明此律下其法於審判廳則冤者可白下其法於官醫局則死者可生下其法於巡警局則防患於未然一切教匪不至挾此妖術以擾亂民生矣職伏處草野孤陋寡聞粗通醫術毫無心得惟於治蠱頗具苦衷嘗以經驗之法隨時登記集爲一卷名曰毆蠱然犀錄昔曾見賞於李若農大宗師允爲鑒定甲午之後旋歸道山繼復見賞於成都府劉幼丹太守在任調取此書以備應用本擬再加研究始敢出而問世奈職年逾七旬日患健忘不能再求精進區區濟世之忱或爲國民應有之義諒亦 列憲所鑒原謹備斯錄正副兩本附稟上 呈伏乞 大人鑒准批示頒行各醫學堂飭令再加研究以求精深庶於衛生大有裨益民生幸甚天下幸甚上稟

法部堂憲戴 批稟悉所著毆蠱然犀錄誠濟世寶筏准如所請鈔交各級審判廳存閱備用該耆紳救世婆心深

堪嘉尙書存稟繳此批

文告錄要

督憲批示錄要○臨榆縣詳奉札飭令自治員等查明南海一帶樹株記數繪圖並章程請立案由 批詳及圖皆均悉所擬章程尙屬簡而易行應准如詳立案仰仍督飭認真經理妥爲保護俾林業日見發達是爲至要圖摺存此繳

臬台批示○灤州民人姚沛來司呈控一案 批查此案前據該府詳覆因爾心未折服已批飭該州再行傳集屍

親人等覆審擬辦在案爾即赴州投審仍候札飭該州查照○甯晉縣文生李之翰來司呈控一案 批此案現訊情形未據該印委員等詳覆應俟詳覆到日再行核奪仍行縣查照粘單附

天津工巡捐局公告○敬告者本局向章經收房舖車捐均於各捐戶投捐時發給牌照凡車戶投捐則發給車牌俾釘車上以備沿途崗警查驗無車牌執照則將車扣罰至房舖戶則領回牌照即應將門牌截粘門首並與上月所粘貼門牌平列令人一望而知否則該戶已納者人疑未納本局已捐者人疑未捐該戶招或匿或漏之嫌本局受不實不盡之議在各捐戶以此項捐款爲工巡要需既已按月納捐自應將所領門牌按月粘貼以徵核實本局現在遵派委員不日挨戶查驗特此預告務望各捐戶將納捐門牌按月至二十六日照章粘貼勿再疎忽自取處罰切切敬告

保定商務總會批示○安肅縣義順號商人袁恒吉控姚洛鳳等錢地不交一案 批呈悉候移安肅縣傳案究追此批

電報錄要

路透電○倫敦西十一月十七號電云日本皇太子由大洲起程於十七號行抵倫敦日本駐英公使暨使館各員並各國駐使英國親王等均往車站歡迎

又電○倫敦西十一月十七號英皇並政府各大臣會同葡萄牙國王在倫敦將英葡重訂新約簽押交換

又電○英皇刻在倫敦預備歡迎中國調查海軍大臣洵貝勒並擬於是月二十號親往文德蘇地方迎謁云

倫敦電○葡萄牙國王由來斯賓起程約有一星期行經西伯利亞并順道往英國至英京時甚蒙優待並往各會
參觀均備盛宴歡迎並接待各隨員葡王甚爲喜悅

柏林電○前據某報載稱德員開波氏意欲辭去議事會議員之席此說不確
又電○日昨波斯德荷蘭議會演說目前俄軍駐屯波國之患並望撤去俄軍俄國當經照辦現俄軍已離開那逮

伯利(譯音)地方云

新政紀聞

政治

蘇藩整頓書吏積習○蘇藩陸方伯自到任以來稔知本署書吏積習已深故特加意整頓曾經飭查各吏有無煙
癮出具切結並飭開具清書名冊不准隱混贖開務須常川到署辦事以清積弊現聞方伯查悉書吏等平時翎
頂輝煌殊失本來面目爰特諭各吏以後不准擅穿頂戴及錦繡衣服以示區別

模範監獄定期開辦○贛省模範監獄係仿照鄂省形式委員監修所有工程業經完竣委員驗明頗稱堅固而管
理各員業由陳廉訪分別札委定期九月二十一日開辦將南新兩縣監犯移置該獄以便將兩縣監獄拆卸改
良重造而愾罪囚

贛省諮議局議定月俸○贛省諮議局應給月俸現經各議員議決呈由馮中丞核定議長月銀一百五十兩副議
長月銀一百二十兩常駐議員十九員月各五十兩書記長月五十兩書記四員議事李國梁文牘曹九疇會計
謝溥蔭庶務郭揆春月各二十兩

學務

簡易識字學塾白話廣告○清苑縣勸學所分設簡易識字學塾日前刊有白話廣告云 人民是國家強弱的根
本 全國的人民 智識高明道德 他這一國必能強盛 全國的人民 智識少不明道德 他這一國必
日衰弱 一樣的人民 怎麼有智識高的智識少的 有明道德的呢 這個分別就在識
字不識字了 能夠多識字 可以看書 可以看報 能知道從前的事情 現在的事情 能知道人生在

世上的關係 爲人的道理 他的智識自然是高的 道德自然是明白的 不能識字雖有耳目毫無見聞 就如同聾子瞎子一樣 所以識字這一件事 是最要緊的 我們中國所以衰弱 正是受了識字人少 不識字的人多 現在國家要圖富強 要教人民全受教育 所以設立小學以外 又要立簡易識字的 學塾 怎麼叫簡易識字呢 是因為中國的文字太煩 不是人人所能認識的 不是一年兩年所能通曉 的 所以另作出的一種書來 專檢要緊非用不可的字 極簡便極容易 學上一年 就可以粗通文義能 寫能講能用了 所以這學塾 就叫作簡易識字學塾 這個學塾 是因為不能入初等小學堂的人立的 初等小學畢業有一定的年限 入學有一定的年歲 有些貧家子弟 因為急於謀生 不能用四五年 的工夫 去上學的 又有年歲太大的 因為不合入學的年齡不能入的 所以這簡易識字學塾 是專 爲貧家子弟年長失學這兩等人立的 這兩等人我們中國實在多的狠啦 這兩等人在世上亦最苦的狠 啦 現在學部催辦此項學塾 保定現擬在城關先設立十處 好容易有了這個機會 這個法子 這實 在是大家有益的狠啦 請諸位父老 看看後邊的章程 見了那些貧家子弟 同那些年長失學的人 要勸他去上學 不要懶惰 不要看輕了這件事 一天只掙出兩點鐘的工夫來 一年以後 所學的學 問 就可以受用一輩子 這不是大便宜的事麼 簡易識字學塾簡章 一處所 城內城隍廟 北白衣 庵 九聖庵 胡家井 將軍廟 楊公祠 南城根官立小學堂 城外西關皇華館 北關文昌宮 一功 課 每日晚七點鐘至九點鐘識字一小時 珠算一小時 一年期 一年畢業 一學費 不收學費書珠算 盤均由本塾備置 一出路 畢業後欲入小學而年齡合格者按其程度略加補習與簡易小學同 一升階 處 以上附設各處及勸學所宣講所均可報名 一報名日期 自十月初一日起至初十日止 其急欲謀生者聽將來試行強迫教育時准予免除義務 一名額 每處先招四十人共四百人 一報名 札委科員辦理學報○浙江省學務官報向由提學司署編輯發行現因學署事務紛煩六科科員於報務無暇兼顧 已由支提學添委知縣戴振聲爲普通科科員並責令兼辦學報以一事權

民 事

禁煙同嚴禁員役舞弊○禁煙功令日益森嚴不准私賣私吸及酒館娼寮亦不准開燈供客傳禁已久乃近來天津各處私賣私吸等弊層見迭出每經暗查抓獲惟該局所派之巡查人員均給執照論帖隨身攜帶以杜假冒凡有查獲案件概送警局判罰不准巡員直接罰辦並出示曉諭居民遇有不肖員役在外藉端招搖准即扭局懲辦以除弊混云

開辦濟良所之示諭○奉天民政司張司使開辦濟良所之示諭云爲出示曉諭事照得奉省地方百度維新宏規初創設官圖治開埠交通綏冕駢興商賈集萬方輻輳百塵旁流攘攘熙熙日漸繁盛於是南朝金粉北地胭脂聯袂而來接廬而處爲大利之所在咸騁鶩乎其間第查妓女所由來未必盡出於本性或係良家子女被人誘拐者有之或因凶歲貧窮爲親鬻賣者有之一落花街遽成萍泊沉淪孽海莫渡慈航甚至樂戶肆威誅求備至貪心稍拂鞭撻橫加卽或有意從良又被多方措勒鬱居黑暗難見光明是則濟良之設不可緩也去秋九月職紳呂玉書等倡議及此稟蒙前督憲批准在案卒因鉅款難籌未能舉辦本司職膺民政以保持良善爲懷若竟聽其中止殊非所以整飭風俗之道故將該所改歸同善堂掌管劃出院落一所房屋數間暫時成此善舉日後再謀擴充其經費統由同善堂按月擬給另派委員經理會同該發起紳士等妥爲商辦並酌定章程呈奉督撫憲批准照辦等因業飭同善堂將該所一切應備事宜布置妥當已於九月初二日開辦除呈報及分行外爲此出示曉諭仰諸色人等一體知悉切切特示

實業

委查甬屬出品協會○南洋勸業會限期成立浙江杭甬出品協會及協贊會之進行迭奉農工商部咨催增中丞亦異常注意因該會成立迄今種種進行及協贊會之設立尙未稟報茲特面諭董季友觀察詳晰調查俾便覆部當由觀察遴派勸業公所會計員蔣志培君卽日束裝馳赴甯波調查該會成立後一切籌辦情形及各屬協贊會會否依限舉辦各節會同該會總協理詳細查明稟覆以憑覆部

創設農會之計劃○蘇垣農務一業素鮮講求現有某紳士等以振興實業須從改良農務入手先宜調查城廂內外各地分別官荒民荒然後興辦各項種植以圖利源爰擬創設農務總會以爲樞紐先行呈請農工商局立案一俟安定章程擇定會所再行定期開辦

又皆通都大邑設有新關商市尤稱繁盛果能籌款興築獲利當有把握目前庫款支絀官力實有未逮似可由甯皖紳商籌立公司集資築成既杜他人之覬覦更獲交通之便利於商業路權均有裨益第事體重大果否能行應請公同議決

蘇撫瑞中丞提出議案

一度量權衡改制推行議案 案查 農工商部前於憲政九年預備案內奏明劃一全國度量權衡並將奏定度量權衡制度圖表章程咨送到蘇自應設立度量權衡局以爲推行之總機關惟茲事體大頭緒紛繁必先定進行之方針庶可示官民之標準蘇省商務繁盛戶口衆多尤應早爲預備茲將關於推行各事項條列於下以備研究而取衆決一曰規定補助機關查部章第三十一條各省度量權衡局派員會同地方官及商會調查商民習用各器又第三十七條各地方官及商會有督率稽查之責云云紬繹部章是以責成商會爲補助機關惟蘇省商會尙未全設且權限範圍甚狹祇可行於商界不能普及齊民似未能負完全之責任蘇省商民用器各爲風氣錯雜紛糅地方官既耳目難周商會亦鞭長莫及現各處均設自治公所理宜擔任此項義務承認爲補助機關所有關於推行各事均賴官廳悉心開導照章執行與地方官同負責任公所與商民相處切近社會程度人情習慣無不洞見勸諭既易信從稽查亦較周密一曰縮短實行限期查部章定推行新制以十年爲期而第十六條云如有易於改定省分不必拘十年之限蘇省各屬用器與新器之差率不過十於一之比例伸縮盈虛易於折合又部章第二十一條云奉天山東河南等省舊用各器均比官器大至數倍擬俟新器成後即飭令全行改用是諸省之所大不便者尙以強迫行之如蘇省之小有出入更易令行禁止似宜縮短期限不論省府廳縣城鎮市鄉均以自治公舉成立之期爲新器實行之日官民交勸奮勉圖功鼓立憲之精神爲各省之模範一曰決定專賣處所查部章第七條商民所用各器頒發各省度量權衡局轉由地方官發交各商會或股實商店經理販賣蘇省鄉鎮甚多商會及股實商店不能隨處皆有購置恐嫌不便如自治公所認爲補助執行機關即應盡承售官器義務官器造成後即由地方官發交自治公所與商會一同照章發賣商民等隨時可買易於取携亦便民之一道以上各條根據部章引伸其意按諸蘇省情形能否照辦應請公同籌議決之

一籌辦共進會議案 賽會之舉創自歐洲貨產競爭端資比較現在南洋勸業會業已創辦全國歡迎各府紳商對於此舉亦共具熱心竭力贊助故各府物產均能次第成立惟是府者州縣之積也物產會者共進會之積也若各州縣每年不集其全境之出品以設共進會則事無預備業無改良雖各府日日號召徵集欲開物產會必不能得美滿之觀念完全之效果目下教育展覽會風氣已開而農工兩門尚無人提倡即今爲計當由各州縣紳商團體設一共進會事務所就各該地方原有大宗出品專提數種如絲如棉如綢緞之類各行各業互相比較如日本之一六會二五會者每年開會一次借公所爲會場以同業爲職員以技師爲評議員擇其精良以施獎勵然此事固由行政官之倡助以闢其端亦必借市區之協贊以厚其力果能全省成立則五年之間勸業會之基礎可以鞏固是在於謀自治者之相助爲理矣應請公同籌議決之

一補救州縣困難議案 今日爲吏治計爲地方計莫急於釐定忙漕折收之法事機迫切固須臾無可緩矣蘇省兵燹以前忙銀一兩漕米一石動輒浮收十數千自曾文正公明定公費後遂將忙漕銀價米價分忙分漕隨市漲落隨時奏報定案而忙銀公費每兩收六百漕米公費每石收一千有一定數目有奏明案據凡州縣造串紙張書差辛工司庫提款地方捐款交代攤款常年署用以及司道府衙門之行政公費無一不取給於此其時銀賤錢貴出入相抵差可支持故數十年來遵循弗失官無浮收之弊民無追呼之累論者謂徵賦之法蘇省差善良有以焉自頃銅元充斥銀貴錢賤每兩漲至一千九百六十七文駸駸乎尙有加無已試以目前忙銀每兩收二千四百文計除去公費六百文及規復賠款二百文外僅存一千六百文耳收銀解銀不敷至鉅日積月累力絕計窮於是折收洋價有制七錢三之說有參差不齊之弊徵賦之法日壞一日州縣之困司庫之危亦日甚一日當此新舊過渡官俸未定之時不得不設法挽救先顧目前之急其說有二或謂照市定價分忙奏報舊制最爲公想今冬漕折價仍照市價核定忙銀應一律照辦如庫平銀一兩市價合錢若干卽定爲折數若干每當二八兩月分忙奏報一次公費規復兩項照案帶收銀錢洋聽民完納則百弊盡絕此一說也或謂權收銀米以錢折洋洋價故有參差之弊若忙漕核收洋碼此弊不禁自除如漕米每石市價五元卽定漕價五元忙銀市價照庫平申合洋釐每元六錢七分有奇卽每兩折收洋一元五角正銀正米以洋算者一概收洋公費規復以錢計

本局印售各種書籍圖畫目錄

澄衷學堂字課圖說	八木洋二元	植物學教科書	一本邊粉紙洋二元五角
天文歌略	一本洋三分	皇朝政典舉要	四本洋五角
地球歌略	一本洋一角五分	萬國憲法比較一本	一本邊粉紙洋三角五分
小學韻語	一本洋二角	法學通論	一本洋七角
蒙養學堂百課	一本洋四分	萬國通商史	一本洋二角
最新初等小學國文教科書	二本洋三角二分	新爾雅	二本洋三角五分
初等中國歷史教科書	二本洋一元	康熙幾暇格物編	二本洋四角
心算初學	二本邊粉紙洋五角	周禮政要	二本洋六角
最新初等小學算數教科書	二册邊粉紙洋四角	明夷待訪錄	一本洋二角
初等小學算數教科書教授法	合售洋三角六分	普通教科書目提要	一本洋五分
忠經	一本邊粉紙洋六分	科學書目提要初編	一本洋一角五分
英文學隅	一本邊粉紙洋五分	心算教授法	一本邊粉紙洋三角五分
東文典問答	一本洋二角	萬國公法提要	四本洋一元
地文學問答	二本洋二角五分	甲辰學報彙編一百種	五十本洋二元七角
皇朝政治學問答增校初二編	二本洋五角	乙巳學報彙編	四十本洋四元二角
節本泰西新史攬要	二本邊粉紙洋四角	丙午學報彙編	廿四本洋四元八角
筆算教科書	二本邊粉紙洋五角五分	全年學報彙編	卅二本洋五元六角
物學上編	二本邊粉紙洋四角	農學新書三十五種	一本洋一角二分
普通新智識課本	二本洋一元二角	日本栽桑捷法	一本洋四角
中等植物教科書	二本洋四角	美國養雞法	一本洋三角六分
中學礦物教科書	二本邊粉紙洋七角五分	織輔輿地全圖	六扇屏洋二元
高等小學博物教科書	一本洋四角	御製耕織圖	二册洋五角
生理衛生學	二本洋二角五分	朝鮮輿地全圖	一册洋一角
化學教科書	一本邊粉紙洋四角五分	地球開關次序圖	一册洋一元
中學地理中國誌	一本邊粉紙洋二角五分	平圓地球圖	三十二張洋一元
	四本洋六角	東三省鐵路全圖	一張洋八角

新 廣 告
洋 灰 有 限 公 司 廣 告



啓者本公司係承受唐山洋灰公司老廠另購外洋最新式機器旋窩等創設
新廠自丁未臘月新廠開機以來出貨加增行銷愈廣灰質經本廠西洋化驗
師悉心研究精益求精會寄由德國國家柏林及日本關東都督府各化驗所
驗得動力堅力及凝結時刻灰之粗細均合要工所用其成色與外洋最高之
貨相等尚有機器製造之缸磚花磚洋灰瓦水溝管矸子十等項無論論零交
易均可本公司總理處設在天津海大道英租界並在天津奉天大連烟台牛
莊青島上海漢口南京鎮江各埠均設有經售處如蒙 賜訂大批價值從廉
交貨不悞期限所有洋灰及各種磚瓦等件重量式樣大概用法另刊有華洋
文廣告 光顧諸君請向本公司索閱面議一切可也
德律風一千三百零九號

利 文 齋

大小皮包法國洋號又新到轉盤換調話匣八音盒價值格外從廉仕宦官商九顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁
蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑽珠寶
鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡
本行主人啓

瑞 林 祥 元 記

本號開設北京前門外鮮魚口天津估依街中間路北山東濟南府院西路北自置綢
緞紗羅顧繡絨袍料衣包被套口袋線毯毛毯零賣均照行價發兌中外 紳商賜顧移玉是幸
瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 繡花屏風鏡額
磁銅料器珠藍 奇巧美術玩器 學界文房用品 旋行携帶等件 精工變身物料
定織各色簾氈 現又擴充樓房 極其寬闊高大 如蒙官商光顧 價值格外從廉
本行隨便入覽 電話一千三百七十四號 天津法租界 武齋洋行謹啓

商務印書館出版各書上海總發行所 分館 發售

會典 會典事例 會典圖 版式大小謹遵

欽定大清會典事例全書

進呈原本

商務印書館恭印

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖書悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖志函○一一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年内先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡三十五期 其初羗無故事朝野皆奉一憲政爲準繩爲國 爲民政府與議員各盡其道中間財政之抗爭

法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四册定價一元五角茲因諮議局不日開辦趕將前二册先行出版後二册七月 出版預定者實價一元收到書價後即交前二册並付收條俟後二册出版時憑條取書特此預告外埠郵 費照加

天津分館開設 河北大胡同 電話五百二十六號

京奉鐵路局廣告

啓者查北直貧民每歲赴東省一帶充當小工往返之時每以火車票價有定日無力搭乘是以本局格外體恤減收票價歷辦在案茲值該小工等旋里之時本局訂自九月十九日起每日夜間照常開車一次裝載此等小工由瀋陽新民屯至天津或至塘沽軍糧城每人減收票價洋四元又由營口至津沽軍糧城每人收票價洋三元以示體恤倘有客商混跡其間定即查拏究辦該小工等每人祇許隨帶小包行李一件不得夾帶私貨除知照鐵路巡警隨時稽查外特此佈告

請看開平塊煤大減價廣告

刻值隆冬本公司特備一種煙小火湧之塊煤專供津郡各學堂局所公館以及各租界商家燃爐煮飯應用每噸零整定價大洋八元九現在老龍頭辛莊均設立分廠儲有此煤以備光顧就近相購者捷便若弗自取請賞一音本公司自備有妥實車脚代能送去其脚力品之路途遠近現議較自僱必格外公道其各種焦炭末煤價亦從廉恐未週知特報宣聞 電話一千二百九十三號 河東糧店街廣昌公司謹白

招生廣告

爲招考事照得永定河奏設河工研究所所有頭班學員現已將屆一年畢業之期亟應續招二班官費生三十名自費生十名入所肄業官費以本河候補人員爲合格自費則各河候補人員均可入習茲限定報名自九月十五日起至十月初五日截止除牌示外合行登報俾衆週知如有願入學者速來本署報名毋得觀望自誤特告

直隸高等工業學堂招生廣告

本堂分高等科及中學科得有中學畢業或修業及高等小學畢業文憑者請自十月初一起至十一月二十九日止來河北黃緯路本堂取閱詳章報名候考試可也

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗如獎譽茲為推廣招徠起見自本年起承印各項價目格外減讓以副官商雅意如蒙賜顧請至本局賬房面議可也

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五
 以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍

謹將第二次甘賑匯款覆電廣告

九月二十二日午刻接甘肅毛碩君方伯慶蕃覆電
 天津三才里丁春兄鑒賑款蘭平足六千五百兩已收到敬謝蕃皓印
 按前項賑款內係京都恆裕金店籌賑處匯來京平銀三千兩天津官報
 局籌賑處公砵平銀三千五百兩分交蔚豐厚協同慶兩莊於九月初十
 日由津電匯甘肅今得覆電特此登告
 再查甘賑已無須接濟同人公商擬即停止所有已經書捐及未書捐捐
 冊務望於十月初十日以前一律交回以便照刊徵信錄
 天津官報局甘肅籌賑處謹啓

直隸高等學堂廣告

近奉學部行知本堂上年正科一二類畢業學生缺少第六學期考試分
 數以年既合准照本省優級師範學堂缺短學期辦法補行考試由提
 學司照會到堂本堂當以各生等畢業後或升入大學或別謀生計勢難
 即日調考已咨請提學司俟年假期內補試現由學司擇定試期於官統
 二年正月初八日起限四日內在天津學務公所分門考試誠恐諸生就
 學就事散處四方未及周知特此登報佈聞諸生務於初八日以前齊集
 天津親赴學務公所報到以便備卷補考幸勿遲誤